

重修各省郡縣鄉村宗支分派引

余史氏以官爲姓自周至於今一千六百餘載前
明洪武朝奉

旨勅封漢侯史靈濟公隸籍溧陽傳流子孫幸而科
弟聯續綿綿瓜瓞傳至我朝賜翰林院侍讀學士
欽陞詹事府大堂今余五十一世孫夔切念余祖分
支南北徧散天下難以稽考宗族親疎遠近慮其
地濶源流恐其年遠尊卑失序余茲捐貲建修大

全宗簿標立余祖名登譜籍聊酬心愿也第因遠
仕京都不克遍及細查故特以族人數輩徧往各
省不論城鎮鄉村凡予宗京兆隄派分溧陽者毋
論貧富貴賤踵門查序以便刊籍近見無知之輩
推阻違拗大非余願今特發盈字十一號總譜簿
底命男貽清前往湖廣等處查覈分支惟衡州一
支前明彬祖遺集有奉命告祀南嶽叙別衡衛指
揮興兄之句則衡州當查序源流庶余宗尊卑不

至失序而祖宗一本永矢勿諉凡我族人或無遺
珠之憾矣尚此佈

聞

溧陽侯五十一世孫康熙壬戌進士陞詹事府

瀨水下庄村胄司璉謹識

錄自衡譜桂陽州等處亦存畱此引引內貽清
與丞相貽直公昆玉當時修譜處處果親履其

地否